

Naalakkersuisut kingusinnerpaamik UKA2019-imut inatsisinik atuuttunik allanngortitsinissaq pillugu siunnersuummik saqqummiussinissaat, taamaaliornikkut eqqumiitsuliornermut aningaasaateqarfimmik pilersitsinikkut eqqumiitsuliornermut aningaasaliissutinik tamanik agguaassinermi attuumassuteqannginnissamik pilersitsinissaq periarfissinneqarsinnaanissaat ilanngullugu Inatsisartuni aalajangiiffigisassatut siunnersuut

(Inatsisartunut ilaasortaq Peter Olsen, Inuit Ataqatigiit)

Akissuteqaat

(Ilinniartitaanermut, Kultureqarnermut, Ilageeqarnermut, Nunanullu allanut Naalakkersuisoq)

Siullermeerneqarnera

Naalakkersuisut sinnerlugit Inatsisartunut ilaasortaq Peter Olsen, Inuit Ataqatigiit, qutsavigissavara aalajangiiffigisassatut siunnersuutaa pillugu.

Naalakkersuisut pingaartuusorivaat eqqumiitsuliorneq eqqumiitsuliortullu nunatsinni siuarsarluarneqassasut atorluarneqassasullu. Tamannalu pisinnaavoq ilaatigut Naalakkersuisut eqqumiitsuliornermut kulturimullu tapeeriaasiannut nalimmassaanikkut.

Namminersorlutik Oqartussat kulturimut tapiissutigisartagaasa allaffissornikkut ingerlanneqartarnerannut periarfissanik nassuiaasiaanni, Naalakkersuisut tapeeriaatsit assigiinngitsut nassuiarpaat, ilaatigut eqqumiitsuliornermut aningaasaateqarfimmik pilersitsisinnaaneq eqqartorneqarluni. Aningaasaateqarfimmik pilersitsineq eqqumiitsuliortunut iluaqutissartaat Naalakkersuisut takusinnaavaat, taamatuttaaq paasivaat pilersitsissagutta unammilligassaqartortaaq. Siunnersuummi taaneqartut, allaffissornikkut aningaasartuutit pilersussat, saniatigut aamma allanik eqqarsaatigisassaqarpoq. Aningaasaateqarfimmik pilersitsissagaanni aallaqqaasiummik aningaasaliinissaq qulakkeerneaqqaartussaavoq, maannamullu aningaasanik taamatut atugassianik immikkoortitsisoqarnikuunngilaq.

2018-imut Inatsisartut Aningaasanut Inatsisissaanni, piginnaatitsissummik oqaasertaliisoqarneratigut Naalakkersuisut Eqqumiitsuliornikkut Pinngorartitsisut Ingerlatsisullu (EPI) Namminersorlutik Oqartussat kulturimut aningaasaliissutaata aqunneqarnissaat pillugu isumaqatigiissuteqarnissamut periarfissinneqarput. Naalakkersuisut Namminersorlutik Oqartussat kulturimut aningaasaliissutaata ilaannik agguaassinermi attuumassuteqannginnissamik ingerlanneqalernissaanik suliaqalereerpoq, ilaatigut pineqarlutik Namminersorlutik Oqartussat kulturimut aningaasaliissutaat, Kulturimik sulialinnut aningaasaliissutit, Filmiliornermut Atuakkallu kalaallisut allatanut agguaassinerit.

Eqqarsaatigineqarpoq agguassinermit ataatsimiititalianik arfinilinnik immikkut akisussaaffeqartunik pilersitsisoqassasoq, qinnuteqaatinik aalajangiisartussanik. Ataatsimiititaliat EPI-mit allaffissornikkut isumagineqarnissaat eqqarsaataavoq.

Isumaqatigiissuteqarnerup saniatigut agguassinerup tunniunneqarnissaanut naatsorsuutigineqarpoq EPI imminut illersorluarsinnaanissaa qulakkeerniarlugu suliat tigungissaanut piginnaasaqarluartumik atorfinitsitsissasoq, taamaalilluni suliaasaq peqqissaartumik piareersarsimalluartumillu tunniunneqarnerisigut innuttaasunut kingunerlutsitsinissaq pinaveersaartillugu. Taamaalillunilu aamma piumasaaqatigineqarpoq allaffissorneq inatsit pineqartumut atuuttut najoqqutaralugit ingerlanissaa qulakkeerneqassasoq.

Naalackersuisut isumaqarput, suliaq peqqissaarussamik tunniunneqassasoq, taamaammatt eqqarsaatigineqarpoq ukioq siullesq Ilinniartitaanermut, Kultureqarnermut Ilageeqarnermullu Naalackersuisoqarfiup allaffissornertaa suli tigungmiinnarallassagaa. Taamaalilluni EPI atorfinitsitsinerit pisariaqartinneqartut pissarsiarinissaanut periarfissilluarneqassaaq, suliallu tamakkiisumik tigungissaanut allaffissornikkut piariigassat inissereersinnaangorlugit.

Sulissutigineqarpoq, agguasseriaasissaq januaarip aallaqqaataani 2019-imi atuutilissasoq.

Taamaattumik Naalackersuisut isumaqarput piffissami matumani inatsisinik atuuttunik allanngortitsinissamik pisariaqartitsisoqanngitsoq, suliat taamatulli siunnersuutigineqartut siunertaqartut aallartinneqareersimammata, taamaattumillu siunnersuutip itigartinneqarnissaa inassutigineqarpoq.